



Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726 400  
fax. +387 33 726 423  
e – mail: [info@voda.ba](mailto:info@voda.ba)

Broj: **UP-1/21-3-40-045-3/23**  
Datum: **10.04.2023. godine**

„Agencija za vodno područje rijeke Save“ Sarajevo rješavajući po zahtjevu pravnog lica „PROMING“ d.o.o. Bugojno za donošenje rješenja o vodnoj dozvoli za ispuštanje oborinskih onečišćenih voda i tehnoloških otpadnih voda sa lokacije benzinske pumpne stanice i samouslužne autopraonice sa pratećim sadržajima „PROMING“ – P.J. 1 Sarajevo, izgrađene u ulici Blažujski drum bb, općina Ilidža, na osnovu člana 109. stav (1) tačka 2. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine broj“ 2/98, 48/99 i 61/22), donosi

### **R J E Š E N J E** **o vodnoj dozvoli**

1. Pravnom licu „PROMING“ d.o.o. Bugojno daje se vodna dozvola za ispuštanje oborinskih onečišćenih voda i tehnoloških otpadnih voda sa lokacije benzinske pumpne stanice sa pratećim sadržajima i samouslužne autopraonice „PROMING“ – P.J. 1 Sarajevo, izgrađene na zemljištu označenom kao k.č. broj 1182/1 i 1181/1 K.O. Ilidža, Sarajevo.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na lokaciji objekta i pod slijedećim uslovima:
  - 3.1. Da se upotreba i korištenje predmetnog objekta vrši u skladu sa urađenom investiciono tehničkom dokumentacijom, koja je služila kao podloga za davanje ove vodne dozvole.
  - 3.2. Skladištenje nafte i naftnih derivata vršiti u podzemnim čeličnim dvoplašnim spremnicima ukupne zapremine  $V = 400 \text{ m}^3$  sa pripadajućom armaturom za rukovanje, praćenje i sigurnost rada, a skladištenje LPG-a u podzemnom rezervoaru zapremine  $30 \text{ m}^3$ .
  - 3.3. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječi dospijevanje nafte i naftnih derivata u podzemne i površinske vode.
  - 3.4. Da se oborinske onečišćene vode sa platoa oko istakališta, saobraćajnih, parking i manipulativnih površina benzinske pumpe prikupljaju sistemom slivnika sa slivnom rešetkom i internom kanalizacionom mrežom odvođe do betonskog trokomornog separatora ulja i naftnih derivata, a zatim prečišćene priključe na kolektor oborinske kanalizacije.
  - 3.5. Da se tehnološke otpadne vode sa lokacije samouslužne autopraonice (tri natkrivene i jedan nenatkriveni boks) prikupljaju putem slivne rešetke u taložnik i odvođe internom kanalizacionom mrežom do betonskog trokomornog separatora ulja i naftnih derivata, a zatim prečišćene priključe na kolektor oborinske kanalizacije.
  - 3.6. Korisnik poslovnog objekta je obavezan da izgrađene objekte, a čija svrha je odvođenje i prečišćavanje onečišćenih voda, redovno održava i koristi na način koji će obezbijediti njihovu potpunu ispravnost i funkcionalnost, kako bi se zadovoljio propisani kvalitet efluenta.
  - 3.7. Da se poduzmu sve potrebne mjere kojima bi se obezbijedilo da prečišćene otpadne vode, prije ispuštanja u recipijent, zadovolje granične vrijednosti emisije definisane članom 14. i 15. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20 i 96/20).
  - 3.8. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati ovlaštene laboratorije i sadržini i načinu izdavanja ovlaštenja („Službene novine Federacije BiH“, broj 14/10, 14/3, 26/14, 15/17,

- 23/17 i 41/20), vršiti redovna ispitivanja kvaliteta otpadnih voda, uzimanjem uzorka efluenta iz kontrolnog okna, u skladu sa Uredbom o uslovima ispuštanja otpadnih voda u okoliš i sisteme javne kanalizacije.
- 3.9. Da prikupljanje, odvoz i konačno zbrinjavanje opasnog otpada sa lokacije predmetne benzinske pumpe sa pratećim sadržajima može vršiti isključivo firma ovlaštena za tu vrstu djelatnosti, prema sklopljenom ugovoru.
- 3.10. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, prosipanja motornog ulja, kako bi se spriječilo moguće onečišćenje voda i tla (materijal za upijanje: piljevina, prikladni adsorbensi, odgovarajuće posude, uređaji za pretakanje i sl.).
- 3.11. Sadržaj (mulj) iz uređaja za prečišćavanje otpadnih voda i opasni otpad ne smije se odlagati na česticu «vodno dobro», odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1, Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda tačke 13. i 22. tabele, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove vodne dozvole, pravno lice, odnosno korisnik objekta je dužan provoditi sve mjere i aktivnosti propisane istom.
6. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetne benzinske pumpe sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
10. Prije isteka važnosti ove vodne dozvole, Investitor, odnosno korisnik objekta je dužan da podnese zahtjev za izdavanje nove vodne dozvole.
11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

## **O b r a z l o ž e n j e**

Pravno lice „PROMING“ d.o.o. Bugojno obratilo se ovoj Agenciji sa zahtjevom za donošenje rješenja o vodnoj dozvoli za ispuštanje oborinskih onečišćenih voda i tehnoloških otpadnih voda sa lokacije benzinske pumpne stanice i samouslužne autopraonice sa pratećim sadržajima „PROMING“ – P.J. 1 Sarajevo, izgrađene na zemljištu označenom kao k.č. broj 1182/1 i 1181/1 K.O. Ilidža, Sarajevo.

U provedenom postupku, uz zahtjev za donošenje rješenja o vodnoj dozvoli, dostavljena je i pregledana slijedeća dokumentacija:

- Ovjerena kopija Rješenja o izmjenama podataka u sudski registar Općinskog suda u Travniku, broj: 051-0-Reg-22-000284 dana 21.06.2022. godine;

- Ovjerena kopija Uvjerenja o poreznoj registraciji donesenog od strane Porezne uprave - Kantonalni porezni ured Novi Travnik dana 14.08.2014. godine;
- Ovjerena kopija Obavještenja o razvrstavanju dijelova pravnog lica prema klasifikaciji djelatnosti, datog od strane Službe za statistiku za područje Srednjobosanskog kantona, broj: 07-32.5-595/14 dana 14.08.2014. godine;
- Kopija Rješenja o odobrenju za legalizaciju benzinske pumpe „PROMING“ – P.J. 1 Sarajevo, donesenog od strane Službe za prostorno uređenje općine Ilidža, broj: 03-23-2310/05 dana 20.10.2005. godine;
- Kopija izmjenjenog Rješenja o odobrenju za upotrebu donesenog od strane Službe za prostorno uređenje općine Ilidža, broj: 03-23-2923/05 dana 17.11.2025. godine;
- Kopija saglasnosti na projektnu dokumentaciju date od strane KJKP „ViK“ d.o.o. Sarajevo dana 23.06.2016. godine;
- Kopija ugovora sklopljenog dana 28.09.2022. godine sa „AIDA COMMERCE“ d.o.o. Sarajevo za preuzimanje, skladištenje i krajnje zbrinjavanje opasnog otpada sa predmetne lokacije;
- Kopija Izveštaja o monitoringu kvaliteta i kvantiteta otpadnih voda benzinske pumpe i autopraonice „PROMING“ Ilidža, urađen od strane „Inspekt – RGH“ d.o.o. Sarajevo, august 2022. godine i februar 2023. godine;
- Projekat izvedenog stanja vodovoda i kanalizacije, urađen od strane „TOMIĆ-inženjering“ d.o.o. (na uvid);
- Dokaz o uplaćenju upravnoj pristojbi.

U cilju utvrđivanja činjenica vezanih za ispunjenje uslova u smislu izvršavanja obaveza propisanih tačkom 4. iz Rješenja o vodnoj dozvoli (broj: UP-I/25-3-40-063-5/18 dana 12.03.2018. godine) zatraženo je očitovanje Službe za prikupljanje prihoda od vodnih naknada ove Agencije po pitanju izmirivanja obaveza uplate posebnih vodnih naknada, tj. eventualnom dugu i visini duga podnosioca zahtjeva.

Na osnovu očitovanja Službe za prikupljanje prihoda od vodnih naknada od 14.02.2023. godine konstatovano je da podnosilac zahtjeva „PROMING“ d.o.o. Bugojno redovno izmiruje svoje obaveze uplate posebnih vodnih naknada za benzinsku pumpu i samouslužnu autopraonicu sa pratećim sadržajima „PROMING“ – P.J. 1 Sarajevo, izgrađenu u ulici Blažujski drum bb, općina Ilidža, Sarajevo.

Nakon pregleda dostavljene dokumentacije, u skladu sa odredbama člana 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22) izvršen je obilazak predmetne lokacije i tom prilikom je sačinjen zapisnik o uviđaju broj: UP-1/21-3-40-045-2/23 dana 06.04.2023. godine.

Na osnovu pregleda projektne dokumentacije i izvršenog uviđaja na predmetnoj benzinskoj pumpi i samouslužnoj autopraonici sa pratećim sadržajima utvrđeno je slijedeće:

Na predmetnom lokalitetu nalazi se benzinska pumpna stanica „PROMING“ sa poslovnom zgradom i sa slijedećim sadržajima: kancelarijski prostor, prodavnica sa naplatom goriva, caffè bar, automati za istakanje goriva sa nadstrešnicom (četiri automata), dvoplašni rezervoari za smještaj nafte i naftnih derivata, samouslužna autopraonica (četiri boksa), betonski trokomorni separator ulja i naftnih derivata, manipulativne površine i parking prostor.

Oborinske onečišćene vode sa predmetne lokacije prikupljaju se putem linijskih slivnika sa slivnom rešetkom i odvođe zajedno sa otpadnim vodama sa lokacije samouslužne autopraonice internom kanalizacionom mrežom do trokomornog betonskog separatora nafte i naftnih derivata, a zatim priključuju na kanizacioni kolektor oborinskih voda, kojim upravlja KJKP „ViK“ d.o.o. Sarajevo. Podnosioc zahtjeva ne posjeduje saglasnost za priključak na javnu oborinsku kanizacionu mrežu od strane KJKP „ViK“ d.o.o. Sarajevo, datu u skladu sa članom 28. Pravilnika o sadržaju, obliku, uvjetima, načinu izdavanja i čuvanja vodnih akata

Na predmetnom lokalitetu vrši se skladištenje nafte i naftnih derivata u podzemnim čeličnim dvoplašnim rezervoarima ukupne zapremine 400 m<sup>3</sup> i skladištenje LPG-a u podzemnom čeličnom rezervoaru zapremine 30 m<sup>3</sup>.

Na osnovu dostavljene projektne dokumentacije, utvrđenog činjeničnog stanja i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i prava na vode dodjeljena drugim korisnicima, podnosiocu zahtjeva su ovom vodnom dozvolom u tački 3. dispozitiva Rješenja, propisani uslovi kojih se dužan pridržavati pri korištenju objekta, u skladu sa Zakonom o vodama i Pravilnikom o sadržaju, obliku, uvjetima, načinu izdavanja i čuvanja vodnih akata.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

Na osnovu provedenog postupka konstatuje se da je podnosilac zahtjeva ispunio minimum uslova za izdavanje vodne dozvole za ispuštanje oborinskih onečišćenih voda sa predmetne lokacije, te je riješeno kao u dispozitivu ovog Rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarifi federalnih upravnih pristojbi („Službene novine Federacije BiH“, broj 06/98, 8/00, 45/10 i 43/13).

**Uputa o pravnom lijeku:**

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka:

Aida Bezdrob, dipl.ing.građ.

Po ovlaštenju  
Rukovodilac sektora za izdavanje vodnih akata



**Haris Ališehović, dipl.ing.građ.**

Dostaviti:

- „PROMING“ d.o.o. Bugojno, Podružnica 1 Sarajevo, ul. Blažujski drum bb, 71210 Ilidža
- Ⓛ AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava